

զի բովանդակ եկեղեցականք Հապէչաց բիւրաւոր անձինք ,
ամենեքեան նզովս կարդան 'ի վերայ եպիսկոպոսին Ղըպ-
թոց և աքսորեն զնա 'ի Թագաւորական քաղաքէն : Եւ նո-
րա եկեալ յԱտլա քաղաք 'ի սահմանս Հապէչաց , Բղէյն
նորին ինքնիշխան և ապտամբ 'ի Թագաւորէն , ընդունի
զեպիսկոպոսն և պահէ առ իւր : Բայց ռամիկ դասն ժո-
ղովդեան օր քան զօր 'ի քաղաքաց քաղաքաց առա-
քէին զհարիւրաւոր անձինս առ այն բանադրեալ ե-
պիսկոպոս ձեռնադրել 'ի կարգ քահանայութեան : Ղի
ասեն թէ 'ի բովանդակ Թագաւորութեան Հապէչաց են
եկեղեցիք աւելի քան 410,000 , եւ գտանի յիւրաքան-
չիւր եկեղեցի գոնէ 70-80 քահանայ , ոչ այնչափ 'ի հար-
կաւորութիւն քահանայագործութեան , այլ առ 'ի վա-
յելել զեկամուտս եկեղեցեաց , զի իւրաքանչիւր եկեղե-
ցիք և վանօրայք , ունին բաւական եկամուտս կերակրելոյ
ղբազմաթիւ անձինս , և տան եպիսկոպոսին զարդիւնս 120
քաղաքաց , այլ թէ որչափ ինչ կարէ լինել չէ յայտ , միայն
եթէ գնացողն իրրեւ Հապէչ վարեացի հանգերծիւք և կե-
րակրով , բազում ինչ յաւելանայ , զի բաց յարդեանց 120
քաղաքաց , մեծամեծ անձինք արք եւ կանայք բերեն առ
եպիսկոպոսն զկոտորակս ոսկւոյ 'ի խնդիր օրհնութեան :

Գ Լ Ո Ւ Խ Խ Է .

Վ իճակ Աթուոյն Երուսաղէմի : Պարտաւարք : Յալոբ և Գիսնէսիս :
Տառապանք միաբանաց 'ի զօրաց Կուսակալին : Յովհաննէս վարդապետ
Զմիւռնացի : Նեղուցիւն և դժուարութիւն վասն Ելամի Գատաւորին
բոս հրովարտակի Աբբային : Մտիք Ելամին : Մեկնիլ Յովհաննէս 'ի Կոս-
տանդինուպոլիս :

ՍԻՐԱԿԱՍ եպիսկոպոս առաքեաց առ Պօղոս եպիսկո-
պոս յարդեանց կալուածոց 4000 ուռուիէ ոսկի՝ թէպէտ և
գժտեցան ընդ այն իշխանաւորք տեղւոյն , զի Պօղոս եպիս-
կոպոս յառաջագոյն պատուիրեալ էր նոցա չառաքել ինչ
յերուսաղէմ , մինչեւ արդեամբք բազմացցին կալուածք